

Na osnovu člana 13. Zakona o javnom redu i miru («Službene novine Kantona Sarajevo», broj: 18/07), člana 13. Zakona o principima lokalne samouprave u Federaciji Bosne i Hercegovine («Službene novine Federacije BiH, broj: 49/06) i člana 67. Statuta Općine Vogošća («Službene novine Kantona Sarajevo», broj: 22/01- Prečišćeni tekst, 35/01, 8/02 i 24/04), Općinsko vijeće Vogošća na sjednici održanoj 27.12.2007. godine, donijelo je

ODLUKU

O PREKRŠAJIMA PROTIV JAVNOG REDA I MIRA

I – OPĆE ODREDBE

Član 1.

Odlukom o prekršajima protiv javnog reda i mira (u daljem tekstu: Odluka) utvrđuju se prekršaji protiv javnog reda i mira na području Općine Vogošća (u daljem tekstu: Općina) i prekršajne sankcije koje se izriču počiniocima prekršaja, a koji nisu propisani Zakonom o prekršajima protiv javnog reda i mira.

Član 2.

Prekršaji protiv javnog reda i mira, u smislu odredaba ove Odluke, su djela kojima se na nedozvoljen način remeti mir, rad i normalan način života građana, stvara neraspoloženje, uznemirenost ili ometa kretanje građana na ulicama i drugim javnim mjestima ili se na drugi način narušava javni red i mir građana utvrđen ovom Odlukom.

Član 3.

Za prekršaje protiv javnog reda i mira, u skladu sa ovom Odlukom može se izreći novčana kazna.

Član 4.

Pojedini izrazi upotrebljeni u ovoj Odluci imaju slijedeće značenje:

- a) «Javno mjesto» u smislu odredaba ove Odluke je javno mjesto definisano članom 4. Zakona o prekršajima protiv javnog reda i mira («Službene novine Kantona Sarajevo», broj: 18/07),
- b) «Vraćanje» je korištenje lakovjernosti osobe, najčešće proricanjem sudbine, odnosno budućnosti koje se odvija za novac ili drugu protivuslugu.

II – PREKRŠAJI PROTIV JAVNOG REDA I MIRA I PREKRŠAJNE SANKCIJE

Član 5.

(1) Novčanom kaznom od 100,00 KM kazniće se za prekršaj:

- a) ko uznemirava stanare upotrebom telefona, zvonceta ili interfona ili kucanjem na vrata stana bez potrebe, kao i radi prodaje robe, gatanja ili proricanja sudbine ili pružanja usluga koje nisu ugovorene ili naručene;
- b) ko pršće prolaznike vodom prilikom pranja ulica, pločnika ili dvorišta, zalijevanja vrtova ili travnjaka ili od vozila u pokretu;
- c) ko pere motorna vozila ili prosipa motorna ulja na mjestu gdje to nije predviđeno;
- d) ko pere čilime i slične predmete ispred zgrada
- e) ko sapira balkone vodom koja se sliva niz zgradu, odnosno druge balkone
- f) ko prodaje novine ispred i na raskrsnicama
- g) ko istresa tepihe, jorgane, posteljine, stoinjake, veš i druge predmete i otpatke sa balkona i terasa u objektima kolektivnog stanovanja
- h) ispušta i odlaže otpadne materije u potoke i rijeke i
- i) ko cijepa drva i ugalj u haustorima stambenih zgrada

(2) Novčanom kaznom od 150,00 do 450,00 KM kaznit će se za prekršaj:

- a) ko baca na prolaznike i vozila led ili snijeg savijen u grudve, kamenje ili druge predmete ili ko baca na prolaznike predmete, hranu ili propisnu tekućinu iz zgrada ili ograđenih prostora;
- b) ko pere prozore ili druga stakla na vozilima ispred i na raskrsnicama;
- c) ko piše grafite po fasadama i ulazima zgrada, javnim prevoznim sredstvima, spomenicima potpornim zidovima, reklamnim panoima i sl.;
- d) ko loml ili na drugi način oštećuje ili uništava sadnice i rasad na javnim površinama;
- e) ko se vješa ili penje na sredstva javnog gradskog saobraćaja, ili ko iskače, izlazi ili se naginje iz sredstava javnog gradskog saobraćaja u pokretu;
- f) ko se bavi kupovinom radi prodaje ili prodaje bioskopske ili druge ulaznice radi zarade, kao i prodaje ulaznice na mjestu koje nije određeno za tu svrhu;
- g) ko pomjera kontejnere za smeće sa mjesta koja su utvrđena odlukom nadležnog organa ili ko odlaže smeće mimo kontejnera ili ko pali vatru u i oko kontejnera za smeće ili ko ošteti kontejner za smeće;
- h) ko ulazi ili se okuplja u napuštenim privatnim ili državnim objektima;
- i) ko postupa sa životinjama na način kojim izaziva uznemirenje ili negodovanje građana ili ko ne ističe upozorenja na opasnost na ulazu u zatvoreno dvorište ili drugi određeni prostor gdje su smještene opasne životinje ili ko uvodi životinje u prodavnice ili slične objekte
- j) ko kupu životinje ili ne ukloni nečistoće iza životinja na javnom mjestu
- k) ko surovo postupa sa životinjama, izaziva ih ili ih podsrekava na borbu, ili ko kolje životinje na javnom mjestu, izuzev u dvorištima ili baštama individualnih stambenih objekata za vrijeme vjerskih praznika i
- l) ko izvodi pse u šetnju bez zaštitne brnjice i povodca.

(3) Novčanom kaznom od 200,00 do 600,00 KM kazniće se za prekršaj:

- a) ko se bavi vraćanjem, proricanjem sudbine ili sličnim obmanjivanjem, ili ko objavljuje oglase, propagira ili na drugi način građane poziva ili podstiče da se podvrgnu vraćanju ili proricanju sudbine, ili ko u vraćanju na bilo koji način pomaže licu koje se bavi tim aktivnostima;
- b) ko, u svojstvu posjetioca unosi alkoholna pića u sportske i kulturne objekte za vrijeme održavanja sportskih i kulturnih manifestacija;
- c) ko konzumira alkohol na otvorenim prostorima, parkovima, ispred prodavnica i drugim prostorima koji nisu za to predviđeni;
- d) ko nedozvoljeno koristi javnu površinu bez odobrenja nadležnog organa;
- e) ko prodaje robu ili pruža usluge na javnim površinama bez odobrenja nadležnog organa i bez obzira da li se nalazi u svojstvu trgovca;
- f) ko neovlašteno izvodi radove na instalacijama i provlači nove instalacije u stambenim zgradama za čije je izvođenje potrebno odobrenje i saglasnost nadležnog organa;
- g) ko u zajedničkim djelovima stambenih i drugih zgrada pali vatru
- h) roditelj, usvojlac odnosno staralac maloljetnika koji je učinio prekršaj protiv javnog reda i mira propisan ovom Odlukom, ako je izvršenje prekršaja posljedica njegovog propuštanja dužnog staranja o maloljetniku, a u mogućnosti je da takav nadzor vrši
- i) ko u verbalnom sukobu pljune čovjeka u lice ili u tijelo
- j) ko ošamari ili vuče za uši dijete ili drugu osobu na javnom mjestu
- k) ko uznemirava građane pjevanjem, vikanjem, sviranjem, ili stvaranjem sličnih izvora buke u stanovima ili na otvorenom prostoru, u naseljima u vrijeme od 22,00h - 6,00 h
- l) ko u ugostiteljskom objektu stvara buku izvođenjem i reprodukcijom muzičkih i drugih sadržaja u neposrednoj blizini obrazovnih, zdravstvenih i vjerskih Institucija u vremenskom periodu od 08,00h – 18,00h
- m) ko vrši izvedbu svečanih manifestacija, priredbi i sličnih muzičkih, festivalskih događaja uz primjenu aparata za pojačavanje zvuka u naselju, na otvorenom prostoru, bez odobrenja nadležnog organa
- n) Izvođenje pjesama i muzike uživo i upotreba uređaja za reprodukciju muzike u ugostiteljskim objektima bez odobrenja ili protivno odobrenju nadležnog organa i to:
 - u zatvorenom prostoru u ugostiteljskim objektima koji se nalaze u stambenim i stambeno-poslovnim zgradama ili njihovoj neposrednoj blizini od 22,00h – 6,00h.
 - u baštama ugostiteljskih objekata koji se nalaze u stambenim i stambeno-poslovnim zgradama ili njihovoj neposrednoj blizini od 22,00h – 6,00h, a uz upotrebu pojačala zvuka od 21,00h – 6,00h
 - u ugostiteljskim objektima koji se ne nalaze u stambenim i stambeno-poslovnim zgradama ili njihovoj neposrednoj blizini u zatvorenim prostorijama od 00,00h – 6,00h, a u baštama tih objekata uz upotrebu pojačala zvuka od 22,00h - 6,00h.
 - u samostojećim ljetnim baštama od 23,00h – 6,00h, a sa upotrebom pojačala zvuka od 22,00h – 6,00h.
 - u diskotekama lociranim u posebno izdvojenim poslovnim objektima od 3,00h – 6,00h.

Član 6.

Novčanom kaznom od 2000,00 KM do 6000,00 KM će se kazniti pravno lice, odnosno novčanom kaznom od 200,00 do 600,00 KM odgovorno lice u pravnom licu, za prekršaje iz člana 5. stav (1) tačka c), stav (2) tačka f), stav (3) tačke b),c), d), e) i f) h), l),m), i n) ove Odluke.

Član 7.

Prihod ostavaren naplatom novčanih kazni propisanih ovom Odlukom je prihod Budžeta Općine Vogošća.

III – NADZOR

Član 8.

- (1) Za sprovođenje odredaba ove Odluke nadležna je Peta policijska uprava, Policijska stanica Vogošća, izuzev kada postoji osnovana sumnja da su počinjeni prekršaji iz člana 5. stava (2) tačka j), stava(3) tačka d), e) i f) ove Odluke za čije sprovođenje su nadležni odgovarajući inspekcijski organi.
- (2) Nadzor nad provođenjem odredaba ove Odluke, vrši Općinski načelnik putem nadležne općinske službe.
- (3) Kada su u pitanju prekršaji iz člana 5. stav 3. tačke n). Odluke Općinski načelnik može putem nadležne Službe, po osnovu prekršajnih prijava P.U., i Inicijativa građana, odnosno kućnog savjeta vezano za rad Ugostiteljskog objekta u sklopu njihove stambeno – poslovne jedinice, čijim se radom remeti javni red i mir, Donijeti i mir, donijeti Rješenje o zabrani obavljanja ugostiteljske djelatnosti vlasniku radnje u konkretnom poslovnom prostoru.

Član 9.

- (1) Kada u vršenju službenih poslova i zadataka saznaju za prekršaj propisan ovom Odlukom, policijski službenici ili Inspektori mogu privremeno oduzeti predmete koji su upotrijebljeni ili su bili namijenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku;
- (2) O privremenom oduzimanju predmeta policijski službenici ili inspektori licu od koga su predmeti oduzeti izdaju potvrdu koja sadrži: naziv i sjedište organa čiji je policijski službenik ili inspektor oduzeo predmete, naziv, vrstu i količinu oduzetih predmeta, ime i prezime lica od koga su oduzeti predmeti i njegovu adresu, razlog oduzimanja, datum, vrijeme i mjesto oduzimanja, pečat i potpis policijskog službenika ili inspektora.

Član 10.

Odredbe člana 11. Zakona o prekršajima protiv javnog reda i mira («Službene novine Kantona Sarajevo», broj: 18/07) odgovarajuće se primjenjuju i kada je u pitanju postupak za oduzete predmete za prekršaje koji su propisani ovom Odlukom.

Član 11.

Rješenje kojim se dozvoljava upotreba aparata za pojačavanje zvuka, izvođenje muzike u živo u ugostiteljskim objektima i na drugim otvorenim prostorima, izvođenje manifestacija iz člana 5. tačka 4. Odluke, donosi Općinski načelnik putem Službe za privredu, budžet i finansije.

Rješenjem se, u skladu sa ovom odlukom određuje mjesto, vrijeme, te uslovi pod kojim se može vršiti upotreba zvuka, odnosno izvođenje muzike i upotreba uređaja za reprodukciju zvuka.

Uz zahtjev za izdavanje odobrenja iz stava 2. ovog člana, potrebno je priložiti i dokaz o ispunjavanju uslova Zakona o zaštiti od buke.

IV – ZAVRŠNE ODREDBE

Član 12.

Gramatička terminologija korištenja muškog ili ženskog roda u ovoj Odluci podrazumjeva uključivanje oba roda.

Član 13.

Danom stupanja na snagu ove Odluke prestaje da važi Odluka o javnom redu i miru («Službene novine Kantona Sarajevo», broj: 22/01).

Član 14.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:01-02-3509/07
Vogošća, 27.12.2007. godine



PREDSJEDAVAJUĆA
OPĆINSKOG VIJEĆA VOGOŠĆA

Nada Šućur
Nada Šućur

Na osnovu člana 13. Zakona o javnom redu i miru („Službene novine Kantona Sarajevo“, broj: 18/07), člana 29. Zakona o lokalnoj samoupravi („Službene novine Kantona Sarajevo“ broj: 22/00 - prečišćeni tekst) i člana 67. Statuta Općine Vogošća („Službene novine Kantona Sarajevo“, broj: 22/01 - prečišćeni tekst, 35/01, 8/02 i 24/04), Općinsko vijeće Vogošća na sjednici održanoj 28.02.2008. godine, donijelo je

ODLUKU

O IZMJENAMA I DOPUNAMA ODLUKE O PREKRŠAJIMA PROTIV JAVNOG REDA I MIRA

Član 1.

U Odluci o prekršajima protiv javnog reda i mira („Službene novine Kantona Sarajevo“, broj: 42/07), dodaju se u sljedećim članovima podnaslovi:

- u članu 1. (Predmet),
- u članu 2. (Prekršaji protiv javnog reda i mira),
- u članu 3. (Prekršajne sankcije),
- u članu 4. (Značenje izraza),
- u članu 5. (Prekršaji i novčane kazne za fizička lica),
- u članu 6. (Prekršaji i novčane kazne za pravna i odgovorna lica),
- u članu 7. (Prihodi),
- u članu 8. (Nadzor i provođenje odredaba Odluke),
- u članu 9. (Privremeno oduzimanje predmeta),
- u članu 10. (Postupak sa oduzetim predmetima),
- u članu 11. (Nadležnost za izdavanje odobrenja),
- u članu 12. (Ravnopravnost spolova),
- u članu 13. (Prestanak važenja prethodne Odluke),
- u članu 14. (Stupanje na snagu).

Član 2.

U članu 8. stav (1) Odluke, iza riječi „nadležna je“ brišu se riječi “Peta policijska uprava”.


Član 3.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:01-02-595/08
Vogošća, 28.02.2008. godine

**PREDSJEDAVAJUĆA
OPĆINSKOG VIJEĆA VOGOŠĆA**


Nada Sućur



Na osnovu člana 13. stav 1. Zakona o prekršajima protiv javnog reda i mira ("Službene novine Kantona Sarajevo", broj: 18/07 i 7/08) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj: 27/14 -Prečišćeni tekst) Općinsko vijeće Vogošća na sjednici održanoj 26.02.2015. godine donijelo je

O D L U K U

O DOPUNI ODLUKE O PREKRŠAJIMA PROTIV JAVNOG REDA I MIRA

Član 1.

U članu 5. stav 2. Odluke o prekršajima protiv javnog reda i mira ("Službene novine Kantona Sarajevo", broj: 42/07 i 8/08), iza tačke l) dodaje se tačka m) koja glasi: "ko ometa službena lica prilikom uklanjanja pasa lotalica sa ulice".

Član 2.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-02-366/15
Vogošća, 26.02.2015. godine

**PREDSJEDAVAJUĆI
OPĆINSKOG VIJEĆA VOGOŠĆA**


Esad Pikanjač